



唐大詔令集卷第三十八

諸王

加實封

潞王周王上柱国别食實封制

加相王封制

加邠王守礼實封制

慶王等食實封制

遜位

温王遜位制

封郡王

降親王為郡王

封某王男某郡王制

封怀寧郡王制

嗣江王棐封郡王制

加梁安郡王实封制

封白王子易寧平原郡王等制

封廣平郡王等制

冊郡王

封嗣漢王制

封嗣荆王制

封嗣江王食實封制

封嗣王密制

封嗣王曹制

封嗣信王制

除郡王官

淮安王神道等開府儀同三司制

壽安郡王成器左贊善大夫制

信安郡王禕滑州刺史制

濮陽郡王濬宗正卿制

廣武郡王承宏左祿州制

信安王禕太子太師制

除嗣王官

嗣澤王珣國子司業制

嗣號王邕同知內外閑廐勅

嗣鄭王希言右衛大將軍制

嗣吳王祗右衛將軍制

嗣許王瓘太子詹事制

嗣道王鍊雲安等五郡節度等使制

嗣號王臣西京留守制

嗣吳王祗太子賓客制

嗣號王溥太僕少節制

嗣鄭王遜大理卿制

諸王男

諸王男等加封邑制

加實封

潞王周王上柱國別食實封制

門下維城道峻理恢於邑壤分社寄隆義先於榮秩雍州牧潞王賢潞州牧周王顯瑶極披禎璇源發彩令問彰於詩禮英徽表於岐嶷戎章之寵宜允於具瞻膏腴之恩式遵於故事並可上柱國各加別食實封一千戶餘如故

加相王封制

寫臺尊王子弟分裂山河式優征賦永固藩屏并州牧左衛大將軍太子左千牛衛率兼安北大都護相王地惟茂親躬此明德性安卑薄誠切冲讓頃以所

食相州願入天府章表懇到至于再三朕難違固請曲成美志然以王國所費觸類汎多漢晉已來寵錫彌盛或食邑五万户或連城數十豈可遂其覽分之情忘其推恩之典宜於相州加實封滿一万户王者施行

加邠王守禮實封制

門下疇庸懋賞允屬親賢利建疏封式固藩屏光祿卿兼左金吾衛大將軍邠王守禮器兼文武節蘊忠貞容範霞軒孝友天至豈如服儒婦美諒以樂善称仁載叶推恩增其并賦俾夫作翰誓以山河可嘉

慶王守食實封制

門下先王之制建封有等諸侯所食征賦以歸河西軍經畧節度等大使涼州都督慶王澤河東道諸軍州節度大使太原牧棣王洽河北道諸軍州經畧節度大使幽州大都督鄂王洎等性皆中和行無外飾教以詩禮能漸义方雖已裂務封圻竟未略於并賦頃以孝友之習且在深宮服用之間亦從御府既申開國之典宜崇書社之教可各食邑實封二千户王者施行

遜位

温王遜位制

自昔帝王必有符命兄弟相及存諸典禮朕以孤藐遭家多難願茲蒙識未曉政術迹茫四海將何所屬累至丕業若墜于地王室多故宜擇長君思与羣公推崇明圣叔父相王高宗之子昔以天下讓於先帝孝友寬裕彰信兆人神龍之初已有明旨將立太弟以為副君為主懇辭未行冊命所以東宮曠位于今歷年綴衣在衣禍變倉卒後掖稱制計立冲人欽奉前懷式遵理命上申先帝之意下遂黔黎之心俯稽圖緯之文仰峻祖宗之烈起今日請叔父相王即皇帝位朕退守舊藩歸于外邸凡百卿士敬承朕言克替我天人之休期以克我有唐之鴻業布告遐迩咸使聞知

唐隆元年

封郡王

降親王為郡王制

鳶臺樹之藩屏所以固本枝也裁其親疎所以明秩次也緬惟上古欽若至公君不徒授臣不虛乘受外星而挹爵祿侯風景而行慶賞則固以义形廉讓道叶變通者焉某周公之胤地侷曲阜楚王之孫業盛平陸負戴忠孝踐履温恭每以車服數隆并賦秩廣清問之際陳乞備賞願存優礼且期後命令者頻詣闕庭累申章表志不可奪誠難固違宜旌諷損以鎮浮競可封某郡王食邑五

千戶實封六百戶

封某王男某郡王制

李嶠

鸞臺睦親之規既隆於敦叙建侯之典或緣於思澤某王弟若干男某璿某踪翹珠泉演派金相玉質形於載誕之初芝秀蘭芳表於克岐之日淳深發其天性韶令觀其月將可以內茂本枝外光維翰綠車承貺 延宗戚之輝朱紱斯皇宜啓山河之賦可封某郡王

封懷寧郡王制

建侯樹藩命賢列土以敦戚屬乃率典常司徒兼絳州刺史上柱國申王撫王林兮彩銀河疏液靡保慶灵未繁胤緒宋王憲男嗣英魯庭李禮楚館聞詩德輝日盛忠緊 立宜其擇猶子之序居承嫡之位盧江大都形勝攸屬用圖爾居莫如茲地是錫分珪之宝俾盛盤石之宗可封懷寧郡王食邑三千戶開元七年正月

嗣江王禕封郡王制

國之宗盟樹以藩屏用親九族以制万邦朕襲默思道懋勤庶政將欲克復古訓貽範方來頃以王國絕祀傍宗入繼事非允正奚妨命傳而立爰自親推恩

由近雖礼云異情所未忘况其嗣侯已積年歲永言主祭因心怀惕宜降殊常之澤俾申敦睦之道再從兄作大匠嗣江王禕為 郡王 瑜為廣漢郡

王再從叔太子貞外率更令嗣密王徹為濮陽郡王再從兄太子貞外家令嗣

越王 為中山郡王開元十二年四月

加樂安郡王實封制

門下兄弟之子於近屬而持深恩礼之情在諸孤而更切故惠宣太子男守鴻臚鄉樂安郡王瑗等咸自砥礪克脩名檢續承先緒休有令聞能榮曲阜之封不忝高陽之族念徃之恨已無追於百身撫存之恩宜受賜於千室可共食實封一千戶主者施行開元二十五年七月

封廣平郡王等制

分命本枝列于庶位博考方冊斯為大猷皇太子之子倣等現其器識日以通敏仁和之性自然忠孝之誠克備率由礼度能稟义方業既著於崇儒材可於從政爰茲拜執宜從紫綬之榮勉尔脩身或副綠車之寵可封倣為廣平郡王儁為南陽郡王侯為建寧郡王必為西平郡王僅為新城郡王憫為潁川郡王及封慶王之子儼為新平郡王仲為平原郡王棣王之子僕為汝南郡王儁為

宜都郡王榮王之子補為濟陽郡王偕北平郡王儀王之子佺為豫章郡王健
為陵郡王穎王之子仲為榮陽郡王永王之子傷為襄城郡王壽王之子任
為河間郡王延王之子倬為彭城郡王濟王之子僚為永嘉郡王開元二十八年九月

封皇太子男寧平原郡王等制

王者嗣統必上尊祖廟中立人紀下及孫謀所以光贊鴻猷發揮大典者也皇
太子大男寧等溫敏茂淑依仁遊藝亂齟之歲自降其心詩禮之言夙聞於耳
朕初建儲兩永固宗祧既當知子之明彌稱抱孫之尉是用依方辨色籍土疏疆
俾奉邦家式崇藩屏本支百代曾協於周詩子弟畢封更隆於漢室於戲
極之慶稟青宮之訓惟師友是敬惟忠孝是憑以善為心好賢為德古有成軌
爾其欽哉正元二十一年四月

封諸王男為郡王制

王者子弟畢封藩戚並建所以式固盤石克茂本枝故灋王大男漢可封東陽
郡王第二男源可封安陸郡王第三男潢可封臨川郡王故深王大男可封河內
郡王第二男淑可封吳興郡王故絳王大男洙可封新安郡王第二男濟可封
高平郡王故洋王大男沛可封潁川郡王溜王勇幹可封許昌郡王沔王大男

瀛可封晉陵郡王祁王大男溥可封平陽郡王仍並賜光祿大夫宜令所司擇

日冊命

大和八年八月

冊郡王

冊趙郡王孝恭改封河間郡王文

岑文本

維貞觀某年月日甲子皇帝若曰於戲肇有君長司牧黎元雖步驟殊時損益
異術至於建親勲而祚屏陳龜鼎於无窮其揆一也惟尔光祿大夫行晉州
刺史趙郡王孝恭器識弘通風畧宏瞻親猶几蔣佐比燕荆皇運權輿
寰區未又擁節西騫靖已漢之妖氛受鉞南伐戮荆吳之虵豕誠著經綸
切宣方面及入外禮閣出摠藩麾令望光於縉紳惠化洽於謠俗析珪之重允
屬勲庸按部之榮义存帶砺是用命尔為使持節現州諸軍事現州刺史改封
河間郡王傳之子孫永為唐輔往欽哉尔其勉兹忠孝鑒于典禮勤恤民隱无
弃朕命可不慎歟

冊隴西郡王博义特進司宗卿文

維龍朔三年歲次癸亥十二月庚辰朔二十四日癸卯皇帝若曰於戲睦親之
訓理鏡於遙圖尊戚之規道光於絕簡若乃年耆德懋屬重望隆釋釐縉之勞

遂優閑之禮惟尔光祿大夫司禮太常伯隴西郡王博义發慶秩疏翹震派資忠峻業襲義揚風怀匪磷之貞心凌後凋之勁節榮兼中外効宣文武至乃彰組文昌外簪清覽頻致由衷之請累申降階之謁雖鎮茲雅俗載佇於芳猷而爰靜澆馳重建於為尚是用命尔為特進行司宗正卿封如故往欽哉秩亞青槐朝請之恩斯切禮華丹棘序錄之任攸歸恩迈前徽裔蹤往哲光膺寵命可不慎歎

再漢中王瑀文

賈至

維天寶十五載歲次景申七月戊子朔日皇帝若曰咨尔漢中王瑀裊御史中丞魏仲犀王室多難兇逆未誅是用建尔子姪以為藩屏命尔忠良以攝傳相安危繫是奉可不慎歎夫王侯之体則以任能從諫為本親賢枝信則以好問樂善為心安仁容眾為節然後能建其功業夾輔王室是以漢之宗王多委政守相故能享祚長久令問不已朕聞汝瑀能寬大儉約樂善好賢敦說詩書動必由正而久於高簡未習政途又聞仲犀才幹振奉憂勤庶績必能固尔磐石匡補闕漏軍旅之事必委其專獄訟之煩必与其決簡賢任能必使其奉懲惡劝善必任其斷惟協惟睦其政乃成同德合义何往不濟於戲瑀其鎮撫黎人庄肅守位仲犀其悉心戮力替我惟城則瑀有任賢之名犀有忠勤之績匡復社稷戡定寇難在此行也勗哉其无替朕命

除郡王官

淮安王神通等開府儀同三司制

褒崇賢戚有因彝典厚秩清階式隆朝望左武衛大將軍上柱国淮安王神通宗室之長德器優弘締構之初早樹勲績右武衛大將軍上柱国燕郡王藝夙著嘉庸志怀強毅以司戎禁見稱貞確宜加榮寵式允具瞻並可開府儀同三司

武德九年八月

壽春郡王成器左贊善大夫制

鳶臺相王旦男壽春郡王成器毓彩桂山承規椒掖韶容霞奉美志月將望苑翹才摇山佇俊宜參多士之選俾從政人之列可依前件

信安郡王禕滑州刺史制

門下訓俗安人是資良牧弃瑕錄用茲為令典使持節衡州刺史信安郡王禕器能之美宗室所推才堪應務久當於委任防缺周身因從於降黜情推念舊义在睦親宜迴傳於遠方俾分符於近服可滑州刺史

褒信郡王璆宗正卿制

孫逖

門下公族之任得之則難奉親而官選舊惟允銀青光祿大夫殿中監上柱國
褒信郡王璆雅性恭友虛懷敏達近屬藩翰中朝羽儀無競維人不矜於貴富
克勤于位每効於忠公敦叙是司疇咨所屬宜迴六尚之執以副九宗之委可
宗正卿

濮陽郡王澈宗正卿制

孫述

門下宗卿設位邦族是司必擇親賢以光名器金紫光祿大夫行太僕卿員外
置同正員上柱國濮陽郡王澈清貞履道澣慎持身行无越思勤不逾短以才
從政於歷官而則深以地推恩在同姓而為近敦叙之任疇咨所難宜受寄於
本枝更近榮於列棘可行宗正卿散官勳如故

廣武郡王承宏光祿卿制

門下銀青光祿大夫行房州別駕員外置同正員廣武郡王承宏地在維城慶
延分土頃乖周慎因從降黜捨其小犯用申猶子之恩復其舊資俾踐列卿之
秩可光祿大夫祿卿員外置同正員

信安王禕太子太師制

門下傳導元子師長庶寮必在正人無非舊德太子少師上柱國信安王禕宗
室良翰朝廷碩老踐忠公而立節体明肅而成用頃膺大任頻愬中權掌夏司
春為大官之長戢兵禁暴何止万人之敵睦親尚齒念舊錄功宜優天秩之
榮俾極宮臣之位可光祿大夫守太子太師勳封如故

嗣封王

加嗣陳王實封制

鳶臺睦親之推恩之義家國所同古今無異雲麾將軍行太子左鶴禁率嗣
陳王延暉地承枝葉戚在葭莩幼聞詩禮躬踐名教賞勳未酬井邑猶虛宜申
優典用光近族延暉兄弟可別令實封一百五十戶

封嗣濮王制

門下姬運睦親曲阜祚周公之嗣漢廷繼絕平陸紹元王之封所以宗子維城本
枝百代也故嗣濮王餘慶構址極天分源帶地通五演之餘潤承九秀之曾暉
稟訓梁園冠池筠而振彩承規淮岫掩岩桂而揚芬徃屬艱虞苴茅中絕今逢
開泰枝庶畢侯宜承井賦之榮以永山河之誓可封嗣濮王仍食實封四百
戶

封嗣蔣王制

門下魯胤曹 並為建國文昭武穆克紹明禮所以諸侯夾輔宗子維城帶砺山河藩屏社稷自大運中圮天步多艱盤石之基翦焉落構今皇圖再紐鼎祚惟新興廢繼絕尚遺凡蔣格干藝祖震悼良深故蔣王憚宗室羽儀國朝賢懿享祭無主觀守丘荒非所以敦叙九族盛 百代之義也嗣王煒第三子銑男左千牛衛長史宗兒難以淪之間未光天秩而懷姿傑氣惟曰象賢可封嗣蔣王以食舊德賜食實封四百戶

封嗣荆王制

門下敦族睦親疇咨前代修廢繼絕率由舊典故荆王元景嫡孫沈黎縣開國侯長沙男逖皇再從叔祖故梁郡開國公孝逸第五男瑛等慶協家邦緒聯戚屬預聞禮訓夙踐義方藉桐珪之業合循茅土之制頃以維城中圮宗室多艱賜命弛廢宅居播越今皇基重建國步永康思樹本枝載昌綿缺是用分封子弟大誓山河俾夫作扞京師為我藩屏宜以逖嗣封荆王仍賜實封四百戶瑛可襲封梁郡開國公食邑二千戶

嗣江王食實封制

門下列爵王侯是歸於藩屏推恩子弟用隆於井賦尚乘奉御有闕統授嗣鄧康王伯潛太子僕兼徐州別駕嗣江王樟等文昭武穆夙延殊獎沛易河嘗詩聞雅訓忠諫恭懿明敏博通逸思泉奔冲情霞奉中山謝其文藻北海慙其經術永言興繼載擇親賢析珪受室既允分封之命保國又人宜光實食之典可食實封

封嗣密王制

興滅國繼絕代天下歸心焉况乃仁不遺親德必在祀光復土宇率由教義者哉徐州刺史密王元曉望重天人地居藩屏家邦依賴休戚是均乃者王室多難睿圖中缺凡我宗子咸從殛竄神龍初歲寶運紹興爰命近屬以為後嗣而胤緒凋翳是非紛雜墨子乘隙妄尸弟土神且不教非類人亦奚祀非族莫享无主永怀惻然其封元曉姪孫銀青光祿大夫行太僕少卿負外置同正負東莞郡開國公徹為嗣密王以奉其祀

開元五年五月

封嗣曹王制

朕因暇日嘗幸戚藩引見諸王爰加錫宴而故信王孫林行列之間睹然白首問其年齒則七十而有七詢其昭穆則玄宗之雲孫朕仰思開元之時盛明之理繼體承訓迨于朕躬惕然動怀當食興嘆况尊祖之義立爰自親尚齒之文

由家形因規其威儀甚整視聽不襄載懷恐矜所宜敬異永惟烈祖之德用錫
孝孫之慶旌其祚胤特奉徽章遠外開府之秩寵以分茅之貴俾從異等式尔
殊恩可嗣信王仍賜開府儀同三司開成元年八月

冊嗣王

冊嗣澤王文

蘇頌

維景龍四年歲次庚戌五月辛亥朔二十八日戊寅應天神皇帝若曰夫親先
之義始自家國嫡後之封終傳土宇咨尔故澤王男义瑾授桐貽緒訓垂芳
性与宜於礼樂行尽成其忠孝是知周之曲阜元子建侯漢之平臺共王襲父
誰其繼矣俾尔宜乎是用命尔為嗣澤王於戲率由軌訓祇服彝典故可以不
驕不矜迺惠迺順北暨于上黨南臨於太行偉其并邑光我蕃屏往欽哉

除嗣王官

嗣澤王珣國子司業制

門下嗣澤王珣承派咸池分輝扶景錫珪前寵慕周典之親賢盤石今隆高漢
朝之子弟機彩明晤神情峻拔雅景風成宏才早著儒庠教資曹適於下惟藩
郡理人允求於別乘衣冠就袂宜班列位之榮并賦開疆仍茂承家之業可國

量

子司業

嗣號王邕同知内外閑廐勅

蘇頌

勅駟駿伏阜軍國為容苟非懿親莫允斯寄秘書監檢校殿中監嗣號王邕地
隆蕃屏才蘊忠賢以河間之碩儒膺舞陽之茂寵奪窮四徹已綜圖書任司六
尚式光軒冕必能駟馬奉策兩駟執轡用聞玉臺之歌入侍瑤池之賞宜与張
涉同知内外閑廐餘如故景龍三年十一月十二日

嗣鄭王希言右衛大將軍制

蘇頌

門下銀青光祿大夫太僕卿員外置同正員上柱國嗣鄭王希言才推近屬行
稟中和用沉以為謀体直方而成器頻外列棘之位嘗踐執金之秩歷官斯
久更事逾深必在親賢用膺心膂宜領右軍之寄仍直大將之任可雲麾將軍
守右衛大將軍勳如故

嗣吳王祗右衛將軍等制

孫逖

門下左衛將軍吳王祗等國之近屬朝之多士或班警衛有避於天倫或列位
周已行淹於歲序各移官命用廣朝恩可依前件

嗣許王瓘太子詹事制

孫逖

門下宮僚之首必擇正人邦圻之內實資良牧銀青光祿大夫祕書監上柱國許瓘文儒致位所謂宗英銀青光祿大夫守太子詹事上柱國太原郡開國公王暉言行立誠是稱親懿常以善而為樂每執謙而忘倦從政已多議能惟允惟違是屬宜肅事於東宮理劇尤難俾安人於左輔瓘可太子詹事暉可使持節同州諸軍事守同州刺史散官勳如故

嗣道王鍊雲安守王郡節度等使制

賈至

勅衛尉少卿嗣道王鍊簡約忠諒既直而溫鎮守南服黎人用乂且三峽艱阻四方多虞按撫緝熙宜分摧惣俾爾攬轡固茲磐石可充雲安夷陵南浦南平巴東等五都節度採訪處置防禦等使

至德二年正月五日

嗣號王巨西京留守制

賈至

勅京師初復宮室始清可擇宗臣俾之居守銀青光祿大夫守太子少保嗣號王巨惠和忠諒貞幹含弘嘗彪節制之權更居師傅之任嘉猷允塞茂績居多可以固我維城殿茲邦國可權充西京留守餘如故

至德二年九月二十九日

嗣吳王祗太子賓客制

常袞

勅古者選孝悌閎博有道術者輔翼太子今以宗室之老彪師賓之位亦親而教敬也光祿大夫檢校工部尚書兼宗正卿上柱國嗣吳王祗文昭之慶蔚于公族楚元之後繼有忠賢達道虛懷寬厚廉謹藩翰舊德人倫憲行更於內外執事頗修年在華皓未嘗褻墮叅會府而百工時叙掌宗卿而九族益親每託肺附深加優禮宜以冬官之重仍在春儲之列可兼太子賓客其檢校工部尚書及散官勳封如故

嗣號王溥太僕少卿制

元稹

勅正議大夫行宗正丞嗣魏王溥守隨州司馬員外置同正負李逢等昔我憲宗章武皇帝法堯睦族深惟本枝乃詔執事曰伯父叔季幼子童孫在官各率迺誠無替厥執溥可權知太僕少卿逢可守袁王府長史餘如故

宗正卿嗣鄭王遜大理寺制

錢珣

勅九卿間重而顯者太宗正与廷尉實次奉常焉易官而處惟典之章具官遜等皆吾屬之楨幹也而又荷出相容戰之門遜繼分郡符必聞其政久歷庶位或稱有材克助承忠孝之家踐脩罔墜多所該練楊子縉紳今載葺京師敬先宗廟資乎集事速以成功而方備法官是宜改秩往趨務更在厉精伏念旬時獄可知也我有具律遜其尽心可依前件

諸王男

諸王男等加封邑制

李嶠

鳶臺昔子弟咸建姬祚以隆支休畢侯漢圖斯永某王男某等普谷分彩天地
演派金相比暎王樹聯芳垂髻欽受敬之風惣角聞詩禮之訓三雍肇建万品
惟新褒德叙勞式遵行慶之典疏藩樹屏允叶推恩之令可封襄陽縣開國男

唐大詔令集卷第三十八

唐大詔令集卷第三十九

諸王

降黜

降魏王泰東萊郡王詔

黜梁王忠庶人詔

降永王璘庶人詔

嗣岐王珍免為庶人制

彰王湊降封巢縣公制

追復

成王千里還舊官制

收葬

譙王重福三品禮葬詔

收葬絳王詔

聽越王暉葬詔

追贈

皇第三子玄霸追封衛王等制

海陵刺王元吉追封巢王制

謚汴哀王璿制

贈恒山愍王承乾荊州大都督等制

贈河東郡王瓘太子少師制

榮王故男贈文安郡王制

太子第二男追封縉雲郡王賜名諱制

冊贈

冊贈渤海王文

降黜

降魏王泰東萊郡王詔

朕聞詔曰生育品物莫大乎天地愛敬罔極莫重乎君親是故為臣貴於尽忠虧之者有罰為子在於行孝違之者必誅大則肆諸市朝小則終始戮辱雍州牧相州都督左武侯大將軍魏王泰朕之愛子實所鍾心幼而聰令頗好文孝恩遇極於隆重爵位窮於寵章不思至哲之戒自構驕僭之咎惑讒諛之言信

離間之說以承乾雖居長嫡久纏痼疾潛有代宗之望靡遵義又方之則承乾懼其陵泰奪亦日增猜阻爭結朝士競引凶人遂使文武之官各有譏附親戚之內分立朋黨朕志存公道義又在無偏彰厥巨豐兩從廢黜非唯作則四海亦乃貽範百代可解雍州牧相州都督左武侯大將軍并削爵土降為東萊郡王尋改封順陽王於均州為封邑制定以處分

黜梁王忠庶人詔

東臺朕儲社上玄嗣膺景祚獵先聖之踐至公之道義行賞御物同歸房州刺史梁王忠居庶孽之地在髻卅之辰柳奭遂良結無忌頻允進說勸立東朝朕以副宮之位宜遵周道苟非其人不可虛立正以宗臣之寄仰在諸公旦夕勤懇難違其意及正嫡外儲退居列屏樂善之泰事於宵僚窺怨之詞日盈於牀第婦女阿劉遠有陳告迹其罪狀盖非一塗乃偽作過所入閨云欲出家逃隱又令急使數詣京都覘候兩宮潛問消息自說妖夢戴通天冠嘉形於以色邀非望每召至師祀龍祈福畫千菩薩願升本位每於晨夕着婦人衣妾有猜疑云防細作又嗟嘆柳奭稱其為我悼傷韓瑗情發於詞朕初見此言疑生怨謗故遣御史大夫理及中書官屬相監推鞠證見非虛然其地則人臣親則人

子怀姦匿怨一至於斯擢髮論罪良非所喻考之大義應從極罰皇后情在哀矜興言垂涕再三陳請特希全宥朕戚屬之中頻虧國典維緬惟前載匪独兹子属怀於此猷深媿歎特宜屈法降為庶人主者施行

降永王璘庶人詔

詔曰臣子之節君親是奉或志怀于紀當义在滅私盖前王所以持法割恩垂涕行戮言念及此歎息弥深頃以兇孽乱常閔畿暫阻朕乘輿南幸遵古公避狄之仁皇帝受命北征興少康復夏之績猶以藩翰所 非親莫可永王璘謂能堪事令鎮江陵庶其克保維城有裨王室而乃弃分符之任專用鉞之威擅越淮海公行暴乱違君父之命既自貽殃走蛮貊之却欲何逃罪擾其兇悖理合誅夷尚以骨肉之間有所未忍皇常誠深孝友表請哀務雖 綬金休礼可行於曩制而削土勿王亦著於前史昔廣川有罪因廢為人常山免誅爰將從地是用矜其万死屈此九刑宜寬伏鎖之命俾黜析珪之典可悉除爵土降為庶人仍於房陵郡安置所由郡縣勿許東西朕存訓誘勗之忠孝不虞孱懦遂至昏迷申此典章弥增媿歎

嗣岐王珍免為庶人制

經國之制貳則有辟為君之道將而必誅况親則宗枝义蕪家國敢怀逆節自扞嚴刑銀青光祿大夫宗正卿負外置同正員嗣岐王珍志本傾邪行惟險薄頃以寇逆未殄軍國多虞因集不逞之徒潛為乱常之計乃欲遠通叛虜構此兇謀以有上封備聞其狀猶以戚屬初亦致疑遂令推按具自承伏且王者立法百代所遵稽彼常科罪當殊死以其可諱不忍加刑俾從放黜以申寬典宜免為庶人仍於濬州安置至彼捉搦勿許東西其同謀左武衛將軍竇如玢試都水使者崔昌右羽林軍使刘從諫蔚州長塞鎮將朱融右衛將軍胡洌直司天臺通玄院高抱素右衛率魏兆内侍省内謁者監王道成等九人特宜斬決試太子洗馬兼知司天臺冬官正趙非熊陳王府長史陳閑楚州司馬張昂左武衛兵曹參軍焦自荣前鳳翔府郡縣主簿李岳國子監館進士張真等六人特宜決殺駙馬都尉薛履謙同逆謀宜賜自尽

上元二年四月

漳王湊降封巢縣公制

王者教先立愛義不遺親豈於同氣之中可致異詞之間如或慎修不至誑誤有聞構為厉階犯我邦紀未加殛竄尚屈彝章漳王湊手足之親盤石是固居崇寵秩列在戚藩頃多克順之心亦有尚賢之志而滿盈生患敗覆是圖姦兇會

同謀議聯及汚我皇化彰於外朝初駭予表載驚群聽尚以未具獄詞猶資
審慎建侯之命始務從寬於戲朕嗣守宗祧敷弘至教自家之訓未立掩义
之私敢忘是用降封有醜朝典凡百多士宜諒朕怀可降封巢縣開國公秋
五年三月

追復

成王千里還舊官制

地有二南載懷敦睦罪非七国奄隔休明故左金衛大將軍兼益州都督上柱
国成王千里懿親賢德高才重器強力幹事獨冠等倫保国义人克成忠義願
除凶醜翻陷誅夷永言淪沒良深痛悼俾復舊班用加新寵可還舊官

收葬

譙王重福三品礼葬詔

集州刺史譙王重福幼則克頑長而險詖幸託体於先圣嘗通交於巨逆子而
不子自絕於天有国有家莫容於代往者頗不念忍長令幽繫自大行晏駕聿
氏臨朝將肆屠滅尤加防衛洎天有成命集子朕躬永怀猶子之情庶叶先親
之義所以開置寮屬任隆刺率冀其悛改怙恩榮而誑誤有徒狂狡未息便即

私出均州詐乘驛騎至于都下遂逞其謀先犯屯兵次燒左掖計窮力屈投河
而斃雖人所共棄而邦有常刑我非不慈尔自招咎具聞其故有惻於怀昔刘
長既歿楚英遂殞以礼收葬抑惟舊章屈法申恩宜仍舊寵可以三品礼
葬

收葬絳王詔

叔父絳王為逆賊等援立切窺天位無討賊之意遂使忠义銜冤及王師擒綏
义旅問罪前驅勇氣以致殲殂朕伏以太皇太后慈仁思以慰解宜令有司量
事收葬申恩討賊刑礼之中庶乎四方以明朕意

宝曆二年十二月

聽越王婦葬詔

越王事迹国史著明枉陷非辜尋已洗雪其子珙他事配流教代漂零不还京
国玄真弱女孝節卓然启護四表綿歷万里况是近族必可加恩行路猶或嗟
稱朝廷固須卹助委宗正等京兆府与訪越王坟墓报知如不是陪陵任耐壘
卜葬其葬事仍令京兆府接借必使脩礼葬畢玄真如願住京城便配咸宜观
安置

開成四年六月

追贈

皇第三子玄霸等追封衛王制

飾終定溢往代通規追遠增榮前王令典皇第三子玄霸幼挺岐嶷早茂珪璋
楚哀公智雲結髮仁明勝衣敏惠異其成立訓以義方未被趨庭遽同過隙興
言天極震悼于怀今王業初隆慶賞伊始既式遵於利建宜稽古於哀榮玄霸
可追封衛王謚曰怀智雲可追封楚王謚曰哀武德七年七月

故海陵刺王元吉追封巢王制

詔曰有虞受終弘肆赦之典隆周革命驚親親之恩海陵刺王元吉地惟藩翰
夙承朝寵陷於不軌得罪君親朕嗣膺灵命無忘敦睦同生之重既切於本枝
在原之悼實纏於歲月興言泉壤思倍寵章可追封巢王謚仍依舊正觀十六年六月

謚沛哀王璆制

門下緣情制礼賢聖所不忘以謚易名古今之同貴實故右千牛衛大將軍上柱
国沛王璆雖在齟齬頗標岐嶷率以訓典期於老成裂地而封是崇藩屏享年
不永俄從矢折秀而不實有以傷嗟宜遵考行之义以備飾終之典可謚
曰哀

贈恒山愍王承乾荆州大都督等制

門下圣人立言因親以主愛王者垂範追遠以崇德故伯祖恒山愍王承乾掌伯
贈越州都督象再從兄玼等藉慶大宗連華近属既稱叔父之国亦云兄弟之
政短長曰命久從於淪沒哀勞有典未洽於褒崇宜贈徽章以弘寵數承乾可
贈荆州大都督象可贈郾国公玼可怀州刺史

贈河東郡王瑾太子少師制

門下親親以相及先王之道也追遠以歸厚圣人之教也故金紫光祿大夫太
僕卿負外置同正負河東郡王瑾克嗣先訓是為懿德方茂枝葉式崇垣翰推
恩有寄稟命不融興言遊促良琛軫悼宜贈師保之位以備哀榮之典可贈太
子少師賻物三百段米麥三百石

榮王故男贈文安郡王制

礼以飾情恩以悼往詢子前訓則有舊章榮王故男像粵在幼冲是稱岐嶷習
詩書而日就資友悌於自然方冀成立克開土宇而龜蒙未錫麟族先彫奄尔
淪逝良增傷憫宜加贈於苴茅且兼榮於符竹可贈文安郡王使持節督武威
郡諸軍事應緣喪葬一事已上宜並官供令京兆少尹程若水充使檢校

太子第二男追封縉雲郡王賜名諱制

親親之義於禮斯重傷悼之戚緣情則深太子故第二男性與聰達體資韶令
早服龍樓之訓有光麟趾之風年始勝衣已彰孝愛方洽弄孫之慶遽悲殤子
之寬追以九命封之二等仍加美稱賁爾徽 可贈揚州大都督封縉雲郡王
食邑三千

冊贈名諱大曆三年七月

上官儀

維龍朔二年歲次壬戌五月十三日皇帝使大司成彭陽郡開國侯令狐德棻
副使正議大夫行司宰少卿薛敏恭持節冊命曰咨夫存著嘉猷歿膺褒顯所
以甄明景行昭紀勳烈况地居懿戚業茂惟貞用式暢情之禮實光追寵之義
惟尔故金紫光祿大夫原州都督渤海郡王奉慈器範閑裕風裁淹遠德優時
彥望重宗英析瑞名區早荷推恩之澤分符與壤累藉宣條之任清白聞於朝
聽威惠暴於遐謳固以功著旃常旌光圖史者矣而壽仁空乘貞徽奄謝永言
親懿震悼良深是用贈王為都督荆峽岳朗四州諸軍事荊州刺史右衛大將
軍餘如故竟而不昧嘉茲榮寵嗚呼哀哉

唐大詔令集卷第四十

諸王

冊號王劉妃文

冊齊王韋妃文

冊桂楊郡王楊妃文

冊壽王楊妃文

冊榮王鄭妃文

冊穎王獨孤妃文

冊永王侯莫陳妃文

冊榮王薛妃文

冊濟王崔妃文

冊信王盧妃文

冊陳王韋妃文

冊壽王韋妃文

冊盛王武妃文

冊廣平王崔妃文

冊涼王張妃文

冊蜀王田妃文

冊祀王竇妃文

王妃入道

度壽王妃為女道士勅

收葬王妃

收葬遇害王妃詔

睦親族

宗姓官在同列之上詔

魏王泰上括地志賜帛詔

令宗屬姑叔不拜子姪制

勉勵宗親誥

選宗子授臺省官及法官京縣官詔

天下三等以上親赴上都制

甄叙皇屬勅

誠矜

青齊王祐詔

誠諸王任刺史別駕勅

母妃

母號王劉妃文

維貞現年月日皇帝遣使持節母命曰於戲惟尔刑部尚書彭城縣開國公劉威德第二女地胄清華志怀婉順訓彰圖史奮聞邦國式導典禮作儷大藩是用命尔為號王妃往欽哉其先膺徽命可不慎欵

母齊王韋妃文

維貞現年月日於戲惟尔兼太常卿扶風郡開國男韋挺長女地胄高華質性柔順訓彰禮教奮表幽閑作儷藩闈實惟朝典用命尔為齊王妃往欽哉

母桂陽郡王楊妃文

景雲二年歲次辛亥十月景寅皇帝若曰於戲咨尔故桂陽王妻楊氏誕承華緒光襲懿風性識柔明言容婉嫕現詩著範蹈禮成規往應高謀作嬪英郎謹

環珮之節珊其有章勵繁藻之誠恭而式序遣使某持節母命尔為桂陽郡王妃尔其克保彛訓率由茂則以正于家無替厥命往欽哉

母壽王楊妃文

維開元二十三年歲次乙亥十二月壬子朔二十四日乙亥皇帝若曰於戲樹屏崇化必正壺闈配德協規允茲懿哲尔河南府士曾參軍楊玄瓊長女公輔之門清白流慶誕鍾粹美含章秀出固能徽範夙成柔明自遠脩明内湛淑問外昭是以選極名家儷兹藩國式光典母俾叶龜謀今遣使戶部尚書同中書門下李林甫副使黃門侍郎陳希烈持節母尔為壽王妃尔其弘宣婦道無忘姆訓率由孝敬永固家邦可不慎欵

母榮王鄭妃文

維開元二十三年歲次乙亥十二月壬子朔二十七日戊寅皇帝若曰於戲作配藩維以正風訓莫不明慎聘納聿求儀範咨尔前相州鄴縣令鄭博古第二女素聞淑哲自稟幽閑習翫不華圖史成則宜其發祥茂族高選當代俾因邦媛之求式叙壺闈之化今遣使侍中裴耀卿副使吏部侍郎席豫持節母尔為榮王妃尔其勉兹孝敬誠彼滿盈祇率大猷永膺寵廟可不慎欵

冉穎王獨孤妃文

孫述

維開元二十五年歲次丁丑七月辛巳朔十日率郊皇帝若曰於戲樹之外屏
義在於展親修其內則禮先於擇配咨尔故右驍衛郎將獨孤禮第十二女軒
冕之族通姻自久賢明之行淑問攸歸早習組紉之切備詳圖史之學實資
女士以儷藩維今遣使工部尚書同中書門下三品牛仙客副使行黃門侍郎
陳希烈持節冉尔為穎王妃尔其克慎威儀無忘孝敬欽承國命永茂嬪風可
不慎歟

冉永王侯莫陳妃文

孫述

維開元二十六年歲次戊寅正月庚午朔十八日丁亥皇帝若曰於戲燕翼之
訓實屬於維城婚姻之禮必求於宜室咨尔右羽林軍長候莫陳超第五女天
資清懿性与賢明衣冠之緒克稟於門德環珮之容備詳於閨訓是賴尚柔之
質以弘樂善之心宜配藩維用膺典冊今遣使金紫光祿大夫兵部尚書兼中
書令集賢院李士修國史上柱國晋国公李林甫副使中大夫中書侍郎集賢
院李士上柱國徐安貞持節冉尔為永王妃尔其虔恭所執淑慎其儀惟德是
修以承休命可不慎歟

冉榮王薛妃文

維開元二十九年歲次辛巳三月壬午朔十八日己亥皇帝若曰於戲古人大
猷諒在婚禮必資令淑以儷藩維咨尔京兆府新豐縣令薛嶽長女地承華族
門博雅範本幽閑之性為禮教所成循圖覽史蹈和履順固可歸于邕第穆彼
嬪風是用命尔為榮王妃今遣兵部尚書兼侍中牛仙客副使黃門侍郎陳希
烈持節礼冉尔其敬佩前規克勤內則式瞻清懿垂美無窮可不慎歟

冉濟王崔妃文

維開元二十九年歲次辛巳五月庚戌朔十四日癸亥皇帝若曰於戲乃睠藩
王既開邕弟必求士女以昭壺則咨尔故絳州司士參軍崔承寵長女家承茂
族代襲清和自幼及長素有柔和之性監循圖史 懋幽閑之德徽猷益著淑
問可嘉足以膺茲寵章主彼中饋是用命尔為濟王妃今遣使兵部尚書兼侍
中牛仙客副使黃門侍郎陳希烈持節礼冉尔其敬佩箴訓克慎威儀輔我維
城永崇磐石可不慎歟

冊信王盧妃文

維天寶二年歲次癸未九月戊戌朔二十一日戊午皇帝若曰於戲建邦為屏必免於

壹教嘉偶曰妃是賴於嬪則咨尔前殿中省尚書輦局直長盧季融第三女淑德賢明令儀柔順含和自整備詳環珮之容稟訓有方更出衣冠之族實資女範作配藩維是用命尔為信王妃今遣使尚書左僕射兼右相晋国公林甫副使銀青光祿大夫行中書侍郎徐安貞持節礼册尔其肅穆闈闈虔恭礼度克終婦道以正國風可不慎欵

册陳王韋妃文

維天寶四載歲次乙酉三月己未朔十九日丁丑皇帝若曰於戲咨尔京兆府新豐縣尉韋釜第八女慶承華族礼冠女師欽若保訓踐修德範遵圖鑒史操尚幽閑内則嬪儀道彰柔順陰教之美国風攸属允資邦媛作配藩闈是用命尔為陳王妃今遣使尚書左僕射兼右相吏部尚書集英院李士脩国史晋国公林甫副使中書舍人兼判刑部侍郎孫逖持節礼册尔其率循懿行懋昭令德祇膺典册可不慎欵

册壽王韋妃文

維天寶四載歲次乙酉七月丁巳朔二十六日壬辰皇帝若曰於戲古之建封武崇垣翰永言配德必擇幽閑咨尔左衛勳二府右即將韋昭訓第二女毓慶高門稟柔中壹動脩法度居翫琴瑟夙聞師氏之孝素習公官之礼聿求貞懿作儂藩維爰資輔佐之德以成樂善之美是用命尔為壽王妃今遣使光祿大夫行左相兼兵部尚書弘文館李士李適之副使金紫光祿大夫行門下侍郎集賢院李士兼崇玄館大李士陳希烈持節礼册尔其欽承寵數率由令則敬恭婦道可不慎欵

册廣平王崔妃文

維天寶五載歲次景戌四月癸未朔十八日戊戌皇帝若曰於戲朱邛傳封爰求嘉偶瓊笄作合必擇華宗咨尔太子宫門即崔珣長女胄自軒冕訓承圖記柔閑内正淑問外宣既連榮於姻戚且襲吉於龜筮是用命尔為廣平郡王妃今遣使光祿大夫行門下侍郎陳希烈持節礼册尔其虔奉儀則祇膺典礼克昌祚胤永固宗祧可不慎欵

册京王張妃文

維天寶九載歲次庚寅四月己未朔十七日乙亥皇帝若曰於戲内則之礼用穆人倫中饋之义以正家道咨尔左衛率府親府左即將羅国公張安仁第二女門承軒冕族著清華蕙德柔明蘭儀婉茂早習組紉之藝克聞国史之規儀範聿脩四德斯備虔恭蘋藻之訓式珩璜之容作儂英藩允資令淑今遣開

府儀同三司行尚書左僕射兼右相吏部尚書崇文館大學士監修國史上柱國晉國公林甫副使中大夫行中書舍人權知禮部侍郎事上柱國成紀縣開國男李暉持節冊爾為涼王妃爾其祗膺典禮永綏寵命可不慎欵

冊蜀王田妃文

陸贄

維建中二年十一月某日皇帝若曰夫茂建親戚以博族固本明慎聘納以厚別蕃嗣實人倫之始王教之端也朕奉若謩訓詳求淑哲賢必有象鍾慶於令門姻不失親載光於戚里故某官駙馬都尉田擇交第若干女生稟柔惠習知禮則容德純備孝睦洽聞可以叶美好速輔成樂善是用遣使其持節冊命為蜀王妃嗚呼敬之哉備禮以崇其好合起家而居其爵位非義信不固非溫順不親克恭匪懈則罔攸悔朕言必復可不慎欵

冊祀王竇妃文

陸贄

維建中二年十一月某日甲子皇帝使某官某持節冊命故某官竇甄第若干女為祀王妃曰於戲禮以大婚崇繼嗣本人倫之教詩嘉淑女配君子繫王化之綱蓋率人成風由內及外得不採嘉耦以固盤石本宗室而御家邦詳求唯唯歷選滋久時乃之擇得于舊姻柔懿稟乎天和禮樂家成於法明章婦順虔奉母儀克成鵲巢之功叶宣麟趾之美祗膺嘉禮欽率內教淑慎厥止无替有終嗚呼可不慎欵

王妃入道

度壽王妃為女道士勅

孫逖

勅至人用心方悟真宰 女勤道自昔罕聞壽王瑁妃楊氏素以端懿作嬪藩國雖居榮貴每在精脩屬太后忌辰永懷追福以茲求度雅志難違用敦弘道之風特遂由衷之請宜度為女道士

收葬王妃

收葬遇害王妃詔

禍福之源天不可問報應之道理或難憑遂使積善深仁倚罹荼毒元惡大慙得恣兇殘自古以來未免斯咎日者祿山作逆切據兩都塗炭我生靈傷夷我骨肉於禮院門遇害王妃及男子等或閨闈令德婦道柔閑或藩邸象賢幼年聰敏蒼黃之際陷沒賊中嗟其无辜並遭非命興言及此痛悼良深宜令所司即擇日收葬一事已上並令官供其失骸骨者亦令招魂神而有感庶從改卜之安竟兮來歸將就新營之告

元年建丑月

睦親族

宗姓宜在同列之上詔

朕受終揖讓君臨四海普天下之同加惠澤宗緒之情又越常品宜有旌異以明等級諸宗姓官宜在同列之上未有執任者不在徭役之限每州置宗師一人以相管攝別為團伍所司明立條式武德二年正月

魏王泰上括地志賜物詔

地設之記由來尚矣區外具於山海經內陳於夏載方王制統率華夷漢志晉圖畧紀郡國自茲以後著述實允或學非博通尚多遺闕或地分南北有長短求其折中无聞尽善在武侯大將軍雍州牧相州都督魏王泰体業貞固風鑒凝邈李綜榮府文冠詞林樂善表於夙夜好士彰於吐握討論輿地詳延儒雅博採方志得之於舊聞傍求故老考之於傳信內殫九服外極八荒憲章是程規條有序兼苞戎夏今古无遺簡而能周博而尤要足以度越前載垂之不朽宜加褒錫以申獎勵可賜物一万段其書宜付祕閣正觀十六年正月

令宗屬姑叔不得拜子姪制

君臣朝序貴賤之礼斯殊兄弟夫倫先後之儀亦翼聖哲之制率由斯道朕

无遺今古
丙子四月
再授之

臨茲宝極億在崇高負宸向陽雖受宗枝之敬退朝私謁仍用家人之礼近代已來罕遵軌度王及公主曲致私情姑叔之尊拜於子姪連法背礼情用惻然自今已後宜從革弊安国相王及太平公主更不得輒拜衛王重俊兄弟及長寧公主姊妹等先告宗属知朕意焉神龍元年三月

勉勵宗親詔

誥朕奉天明命虔受眷圖而皇室子弟未能稱執堂姪餘慶承照紹宗行淹祚洽再從弟遂至謙等不能謹身奉法而乃輕侮国章擯斥边隅未為塞責朕憫其愚昧屈法申恩並追赴京令於国子監安置讀書如悔過自新克復先訓所司條奏當議其官皇宗親更有左貶嶺南及边遠州非惡逆緣生等色亦宜准此其有見任別駕年齒尚幼未堪理百姓者宜委中書門下及新興郡王晋李思訓等簡擇追赴京其祿俸一事已上並委本州勾當每季附送入京總付其餘慶等本州祿俸亦准此宗親中有才行灼然為眾推挹者按察使具以名聞朕當擢以不次自今後有犯賊私違悖礼經者准法科處刑諸无捨庶敦睦之情必聞於九族自家刑国允洽於羣心宜各勉勵以識朕意先天二年二月

選宗子授臺省官及法官京縣官詔

至公之用本无偏黨唯善所在豈隔親疎四從叔知政等咸有才名見推公族秉惟清之操兼致遠之資朕每慮同盟不勤于德嘗懸右執以劝其徒先委宗卿精為內奉量能考行歷載踰時名數則多外聞蓋寡光膺是選諒在得人固可擢以得要迂于臺閣將觀志於七子異齊名於八人宜各悉行行聞成績書不云乎九族既睦平章百姓異由內而理外必自近而及遠凡今懿戚可不慎欵連道慢常义充私於王法修身効節恩豈薄於他人期於率先勵我風俗深宜自勉以副明言

開元二年五月三日

天下三等已上親赴上都制

常袞

勅堯之敦叙以協万邦周之宗盟必先同姓莫遠具迓怀德惟寧俾強幹於京師恩同獎於王室所以洽雍和之道明補察之义也惟我近屬聯華本枝以文昭武穆之宗有錫土建侯之嗣徃以艰难之際流寓頗多或僻在江山載經時序或雜居州里亦既淹留等威不分无以自給儉將逼下卑或踰尊將恐合族展礼之又缺燕毛叙齒之儀廢言念及此良深取然其三等已上親除州縣官及帶執掌應在外者委本道節度觀察量事給遞發遣赴上都仍先錄名聞奏

甄叙皇屬勅

勅五代則迂以尊祖称三族之別以辨親疎故礼曰祖迂於上宗易於下六代而親屬竭矣先王所以叙昭穆明等夷不可得而变革也應追赴山陵及先在城於西宮陪位同五等親宗子等系自本枝分於天派繫之以姓而无別約之以礼有而著朕天福所鍾哀纏罔極嗟我公族儼然來斯遠倍七月之期俯就三年之制降殺以等存乎典彝名位不同亦異教有司定儀將從籍屬之條天下為家用廣孝慈之道慎睦九族其在茲乎應追到及在城同五等親宗子等五品以上各加一階六品已下前資常選并散官至簡日稍優与虔分未出身者量才授文武散官其中有才行李藝為眾所推者及嗣群王嘗經任使灼然著声績者宜委宗正卿琬漢中郡王瑀光祿卿涵錄其名实具狀聞荐自天寶已來闕造宗籍宜令宗正寺重申舊制昭辨等序即宜勅造圖籍宣尔中外知朕意焉

誠礪

責齊王祐詔

吾常誠汝勿近小人正為此也。內華感德外感非言自延伊禍以取覆滅痛哉

何愚之甚也為梟為獍忘孝忘忠擾亂齊郊誅夷无罪去維城之固就積薪之危瓌盤石之基為尋戈之釁背禮違義天地所不容弃父无君人神所共怒往是吾子今為國讎方志紀存為忠烈死不妨義汝則生為賊臣死為逆鬼彼則往声不隕而尔惡跡无穷吾聞鄭叔漢戾並為猖獗豈期生子乃自為之吾所以上慙皇天下愧后土惋歎之甚知復何云貞觀十七年三月

誠諸王任刺史別駕勅

朕聞司牧兆人有國彝訓敦叙九族前王令典念此宗枝久遭沉翳近從班命庶展才能或授外藩或居内執職留念訪察屬想風謠罕立嘉声或聞蠹政當官不存於執務職多陷於偏私禽荒酒德者盖多樂善敬賢者全少將性之昏昧違此義方豈朕之不明成尔薄德當從戒慎勉遂悛改如迷而不復自速德尤已實為之悔之无及即宜速相告示以副朕怀景雲元年十二月

唐大詔令集卷第四十

唐大詔令集卷第四十一

公主

封號

- 封長寧公主等制
- 封常芬公主等制
- 封唐昌公主等制
- 封高都公主等制
- 封永寧公主制
- 封臨晉公主制
- 封平昌公主制
- 封高陽公主制
- 封太華公主制
- 封壽先公主制
- 封廣寧公主制
- 封大長公主制



封永陽長公主制

封真寧公主等制

封永昌公主制

封七女公主制

封十二妹等四人長公主制

封太和長公主制

封定安太長公主制

封延慶公主等制

封万壽公主等制

封盛唐公主制

冊文

冊信成公主文

冊昌樂公主文

冊高都公主文

冊建平公主文

冊永寧公主文

冊臨晉公主文

冊真陽公主文

冊華陽公主文

冊益昌公主文

封號

封長寧公主等制

門下玳。宿揚輝爰稱髮女絳河分彩是曰天孫柔德所資乃生淑媛長寧郡王
守孕實圖魄稟粹方儀載極幽閑用光婉順皇基再造景命惟新凡在懿親咸
申禮命肅雍之地未展徽章宜正此銀宮署茲金榜並開湯沐廣宣朝慶可依
前件

封常芬公主等制

蘇頌

黃門諸女皆封光王之制第二女等慶聯霄漢休自穠華常閱禮於后庭必聞
詩於師氏朕撫億兆憲章古昔俾裂山河之賊用疇湯沐之恩可依前件主
者施行開元二年十二月

封唐昌公主守制

邦女下嫁義著周經帝子建封制存漢傳朕訓導諸子舊有女師因其婉婉之性進成肅雍之德能鑒圖史頗知法度今選婚華族待禮筭年宜加星綬之典俾開湯沐之賦第四女可封唐昌公主第六女可封常山公主第八女可封寧親公主各食寔封五百戶唐昌公主出降張均俱用八月十九日所司詳備禮物式遵故事

開元十六年

封高都公主守制

門下肅雍之範以成女德湯沐之賜爰著國章第十女守生於宮公訓以師氏溫惠之性頗有天安圖史之學仍聞日就筭甫及外館將歸宜因待禮之期式備疏封之典可依前件仍各寔封一千戶主者施行

封臨晉公主制

門下湯沐建封古今通典豈獨貴於寵教亦兼崇於美名第二女性與柔和生知法度率以師氏之訓成其天然之質有行之禮將及於筭年備物之恩俾開於井賦可封臨晉公主食寔封一千戶開元二十五年十二月

封永寧公主制

門下自昔帝女必建封邑典不易守教攸存第十七女幼而閑和長寔徽懿引圖史以自鑒用肅邕而成德將擇近日言遵下嫁宜承湯沐之賜以備車服之容可封永寧公主食封一千戶主者施行

開元二十六年

封平昌公主制

門下詩美肅雍遠著於風雅禮有封建久存於簡策第十九女尚柔成德克順由衷稟於天烈自有閑和之性訓以師氏備詳圖史之學宜開湯沐俾叶典章可封平昌公主食邑一千戶主者施行

封高陽公主制

用嘉成德將及推恩疏封錫號禮典攸在第二十女資身淑慎稟訓柔明克備肅雍之儀允彰圖史之德而方榮魯館宜啓沁園俾承寵於中闈復增榮於冽賦仍食寔封一千戶

開元二十九年

封太華公主制

肅邕稟德邦化所崇湯沐疏封古訓斯在第二十一女踐脩閭則素承阿保之嚴砥礪嬪儀率由圖史之範琤珩既佩柔愿无違蕙問充昭常華自著肇施綵級將其禮於輜駟載錫粉田俾申榮於井賦可封太華公主食寔封一千戶

天寶四年

封壽光公主等制

之德教始 闡湯

皇第二十二女二十三女誕膺

發令姿

頗漸公宮之訓遵師氏之則願史瞻圖日將月就華宗叶慶方從下嫁之儀盛費申榮式備開封之制二十二女可封壽光公主二十三女可封樂成公主仍各食寔封十戶天寶五年

封廣寧公主制

睦親之序必備恩榮加命之貴是存優寵順成公主誕姿中掖習訓公宮惠心有孚淑問斯著夙蘊柔閑之操克彰婉婉之規式開湯沐雖已申於築館爰擇井田俾有光於改邑可封廣寧公主依前寔封一千戶天寶八年

封大長公主制

門下周室展親繫車服之等漢氏右戚崇湯沐之封永惟加恩必遵舊典第九妹碧渚開祥絳河疏彩成齋莊之惠問有明婉之訓自九重備竝四戒雖肅雍之詠彤管既彰而穠華之賜粉田猶闕宜承金屋之慶式昭銀榜之寵可封大長公主

封永陽長公主制

皇第十妹可永陽長公主

第十二妹可普寧長公主

第十三妹可文安長公主

皇女德陽郡主可漢陽公主

咸寧郡主可普安公主

信安郡主可東陽公主

清源郡主可陽安公主

武陵郡主可西河公主

晉康郡主可襄陽公主

第十八女可潯陽公主

第二十一女可臨汝公主

第二十二女可思平公主

第二十三女可邵陽公主

門下慶賜之澤允洽於家邦肅雍之德宜正其封邑第十六女等皆夙稟柔明幼聞懿範傳圖史之訓行表中闈奉蘋藻之則義昭外館朕嗣膺丕業爰章宜申湯沐之封以承 号允副恩榮可依前件二年

封真寧公主等制

門下第二女等皆以柔懿備聞風訓知中闈內則之義稟傳姆女史之規禮有待年恩從廣愛徵於舊典俾洽疏封式分湯賦之榮庶成肅雍之德弘我慶澤被于家邦可依前件

元和元年八月五日

封永昌公主制

門下普寧公主天泉滋德宗蘭發彩纂組之華每工於經自保阿之訓深得於稚年容禮必叶言行无間從容珩璜之韻婉婉柔嘉之儀而封疏舊邦禮宜改避是擇美邑再用申恩可封永昌公主主者施行

封十二妹等四人長公主制

白居易

勅古者帝子下嫁必使王公主焉近代或有未笄年而賜湯沐者亦加公主之号以寵重之第十二妹等先帝之子也朕之子宜加等焉故當幼年各封善地咸命為長公主未及釐降先開邑封所以慰太后慈念之心表先帝肅雍之訓亦欲使吾孝理之道敦睦之風自骨肉內間以及天下可依前件

封太和長公主制

勅公主之封号也或以善地或以加名立慶展親茲惟舊典第四妹端明成性

和順稟教靜无違礼故組紉有常訓動必中節故環珮有常声歲茂穠華日新淑問乃眷肅雍之德俾開湯沐之封可依前件

長慶元年三月

封定安大長公主制

門下我家國制取戎夷推崇恩義示之以大信重之以和親所以煇声教于殊隣割骨肉之深愛累聖弘畧載于國章太和公主擢秀大漠聯華宸極智惟周物識可洞微乃者迴鶻輸誠願求相好穆宗皇帝義難違拒且務懷柔以鳳樓和淑之姿降龍庭桀驁之俗一辞朝闕二紀于茲常興去國之悲已絕還鄉之望今可汗自竊名号乘依塞垣朕以渥澤久濡颯零可憫齋以粟帛喻之旋歸曾无感激之心益肆貪婪之性遂得忠義同力將帥協謀未揚金鼓之音已清犬羊之衆遽收青主出彼穹庐上以慰太后之深慈下以攄北人之積憤將修慶觀坐雪幽冤名節自

嘆尚何極笳蕭淒怨休傳朔漠之声環珮鏗鏘再齒

平陽之列是用易其舊邑錫以嘉名增沁园湯沐之封釋邊地風沙之恩舉兹典禮用表忠勤袷服罷茶永光簡冊可封定安大長公主

會昌三年二月二十

日五

封延慶公主等制

門下車服之制載美周詩湯沐

遵漢典備光內

等並

稟慶絳河流芳彤管穠華懿淑雅志靜專柔順之心叶

之道慶

於言容宜錫粉田之榮用昭銀榜之貴可依前件會昌二年十月十日

封万壽公主制

長女可封万壽公主

第二女可封永福公主

第三女可封西華公主

第四女可封廣德公主

第五女可封和義公主

第六女可封饒安公主

門下諸女之封始資漢制疏邑之典今為國帝長女守坤道稟柔條風育德莊

敬柔順受粹氣於灵源言容法度楊昭徽於內則祥降北渚教襲南薰克茂天

和更承姆訓雖年方韶毳而体備肅雍用洽寵私俾開并賦可依前件會昌六年

五月二十三日

封盛唐公主制

門下展親外館則必待年廣愛中闈宜光啓邑第七女祥開銀漢秀發天枝孝

敬生知柔閑夙稟克奉姆師之訓每遵詩禮之文法度自持穠華益茂爰申彝

典載錫嘉名俾承湯沐之封式示邦家之慶可封盛唐公主備禮冊命

冊文

冊信成公主文

維開元二十五年歲次丁丑八月癸卯朔十五日丁卯己皇帝若曰於戲易著乙啼

詩稱下嫁所以正風化厚人倫也咨尔信成公主淑慎由衷柔明彤外訓以師氏頗

詳環珮之儀修其婦功更習紘紼之藝日徵先近年及有行宜錫徽章俾膺茂

典今遣使金紫光祿大夫兵部尚書兼中書令集賢院學士修國史上柱國晉國

公李林甫副使中大夫守中書侍郎集賢院學士除安貞禮冊尔其光照闡德弘

長國風无怠厥心永綏介福可不慎歎

冊昌樂公主文

維開元二十五年歲次丁丑八月癸卯朔二十九日辛未皇帝若曰於戲 合之禮以

正人倫肅雍之德用成婦道咨尔昌樂公主生知法度性与和柔 言頗

識采蘋之事素以為約既內則悔 式遵於下嫁宜 車服之容

今遣使銀青光祿大夫工部尚書牛仙客副使黃門侍郎
爾其欽崇四教承順六姻式是大邦受茲明命可不慎歟

禮冊

冊高都公主文

孫逖

維開元二十五年歲次丁丑九月十一日皇帝若曰於戲古之聖人垂訓作則必正內
外之位以明婚姻之禮咨爾高都公主生於公宮自稟幽閑之性教以師氏更有
徽柔之則能循法度克慎言容魯館于歸沁園將啓宜膺冊命俾叶典章今遣
使工部尚書牛仙客副使黃門侍郎陳希烈持節禮冊爾其自下于心增修厥
德式瞻清懿永固恩榮可不慎歟

冊建平公主文

孫逖

維開元二十五年九月十一日皇帝若曰於戲脩五禮者必本於天秩合二姓者將
厚於人倫咨爾建平公主稟質尚柔因心克順默識壺帷之教明徵圖史之言黼
藻四德笙簧六行河洲在詠將叶於好仇湯沐疏封式昭於備禮今遣使兵部尚
書李林甫副使中書侍郎徐安貞持節禮冊爾其受茲光寵慎乃威儀永保无
疆之休且為將來之範可不慎歟

冊永寧公主文

維開元二十六年歲次戊寅八月丁酉朔二十二日戊午皇帝若曰於戲人倫式叙
以正國風女子有行將成婦道咨爾永寧公主自幼及長終溫且惠引圖史為
鏡鑒用柔和為粉澤許嫁而笄既遵於禮典備物之冊宜承於寵命今遣使金
紫光祿大夫兵部尚書兼中書令集賢院學士修國史上柱國晉國公李林甫
副使中大夫守中書侍郎集賢院學士上柱國徐安貞持節禮冊爾其謙恭自
下淑慎為先无忝公宮之教永貽邦媛之則可不慎歟

冊臨晉公主文

維開元二十六年歲次戊寅閏八月丁卯朔十六日壬午皇帝若曰於戲古之帝女
下嫁諸侯所以正婚姻之懿綱昭肅雍之令德咨爾臨晉公主蹈和成性休順
為心頗協生知之敏更承師氏之訓柔明益著淑慎攸彰兼四教而不違勤六
行而无斁近日云告嘉禮有期宜穆彝章載光策命今遣侍中幽國公牛仙客副
使黃門侍郎陳希烈持節禮冊爾其克遵法度用廣徽猷發明閭德垂範于
後可不慎歟

冊真陽公主文

維開元二十八年歲次庚寅二月戊子朔八日乙丑皇帝

德宗

婦道也河洲之訓厚人倫也咨尔真陽公主柔順因心幽閑表質雅著閨闈之則能瞻圖史之誠徽章載茂淑範无違礼將及於有行寵宜循於賦邑今遣使兵部尚書兼侍中牛仙客副使黃門侍郎陳希烈持節礼册尔其敬慎威儀无致失墮用膺寵命克保宜家可不慎欵

册華陽公主文

維太曆四年歲次乙酉三月壬申朔五日庚子皇帝若曰漢家舊制諸女皆封仪服比於藩王膏腴封其并賦咨尔第某女承徽自遠誕秀增華仁孝才明夙有天資之慶言容法度成於壹教之慈敏達知微周旋中節肅雍是憲婉靜流芳雖僅在韶年礼未王於同姓而載揚淑問德已冠於成人宜錫典章用疏国邑是用册曰某公主欽承天命可不慎欵

册益昌公主文

薛廷珪

維貞寧元年歲次甲寅十月庚寅朔十四日甲子皇帝若曰昔漢頒魯国魏錫常山繇鍾爱以分封亦旌賢而別壤前王茂典歷代成規朕今嗣守不敢失墜咨尔第七女蘭蕙芳猷肅雍懿範坤順之性体於自然天倪之資禀于陰教不明下德孰慰我心爰舊章俾率彛制乃疏湯邑仍錫粉田所以示鳴鳩均養之仁樂螽斯宜尔之慶夙興夜寐无忘女史之箴下氣怡声勉習家人之礼女儀婦道可不慎欵

唐大詔令集卷第四十一

公主

出降

公主王妃不許舅姑父母答拜詔
詳定公主郡縣主出降儀勅

出降冊文

冊興信公主出降文

冊樂成公主出降文

冊壽光公主出降文

冊平昌公主出降文

冊廣寧公主出降文

冊普寧公主出降文

冊嘉成公主出降文

加寔封

太平公主加寔封制

長寧安樂公主加寔封制

宣城公主加寔封制

鎮國太平公主加寔封制

常芬公主食寔封制

和蕃

止和蕃公主入朝制

金城公主降吐蕃制

封永樂公主制

封燕郡公主制

封東光公主制

封和義公主制

封寧國公主制

和蕃冊文

冊金城公主文

冊交河公主文

冊和回紇公主文

冊崇徽公主文

謹黜

郾国大長公主別館安置勅

追封

追封華陽公主制

追封王虛公主制

追封齊国大長公主制

贈故同昌公主衛国公主制

謚議

安興公主謚議文

出降

公主王妃不許舅姑父母答拜詔

天地之尊人倫已極舅姑之敬禮經攸重苟違斯義有數彛則如聞公主出降
王妃嬭舅姑父母降禮答拜此乃子道云替婦德不修何以式序家邦儀刑列

閨

閨自今以後可明加禁斷使一依禮法若更有以貴加於所生者令所司隨事

糾聞顯慶二年三月

詳定公主郡縣主出降儀勅

冠婚之義人倫大經昔唐堯降嬭帝乙歸妹逮於漢氏同姓主之爰自近古禮
教凌陵公主郡主法度僭差姻族闕齒序之儀舅姑有拜下之禮自家刑国有
愧古人今縣主有行將俟嘉命俾親執棗栗以見舅姑敬遵宗婦之儀降就家
人之禮事資變華以抑浮革宜令禮儀使與禮官博士約古今儀禮及開元禮
詳定公主郡縣主出降覲見之議以聞

出降冊文

冊興信公主出降文

維開元二十九年歲次辛巳閏四月辛巳朔十八日戊戌皇帝若曰於戲先王作
禮女子有行必聞湯沐之封以成肅雍之美咨爾興信公主自幼及長含和尚
柔鑒圖史而思齊勤組紉而无斃能遵法度克茂幽閑教于公宮既昭雅訓歸于
外館宜穆彛章今遣使吏部尚書兼中書侍郎徐安貞持節禮冊爾其益自修
飾不忘誠慎俾 淑問貽永无窮可不慎欵

冊樂成公主出降文

維天寶五年歲次景戌七月辛亥朔二十三日壬申皇帝若曰於戲三綱以正王化是先二姓之合人倫式叙下嫁之禮厥惟舊章咨爾樂成公主毓質柔明稟性開婉幼彰惠問長有令儀教于公宮頗閱于圖史導以安則克勤於纂組瓊笄既襲紺綬斯榮方諧卜鳳之期式叶從人之典今遣特進行尚書左僕射兼右相吏部尚書晉國公林甫持節冊命往欽哉爾其祇率外禮虔恭中饋順而不違謙而不滿日新其德以正家人可不慎歟

冊壽光公主出降文

維天寶五載歲次景戌八月辛巳朔十三日癸巳皇帝若曰於戲家人以正易著乎詞女子有行詩載其義王化之本婦道攸先咨爾壽光公主敏質柔閑資性純懿芳矜內穆淑問外宣能遵阿保之訓頗閱詩書之旨煒茲彤史既稟教于中闈襲以瓊笄斯待年於外館彙謀允叶寫節方舒率是舊章式茲典禮今遣使光祿大夫行門下侍郎同中書門下平章事陳希烈副使中大夫給事中王壽持節禮冊往欽哉爾其祇勤敬德齊藻令儀履順居中以永終吝可不慎歟

冊平昌公主出降文

維天寶五載歲次景戌十二月戊申朔九日景辰皇帝若曰於戲婚媾之序人倫為大道家以正王化乃貞咨爾平昌公主性質閑婉襟靈敏晤柔順外徹和惠內融公宮道訓備間勤儉之則女史箴規克慎言容之範頗閱圖象既習紉紵方修中饋之儀式從下嫁之禮罰車遵路齊度在庭婦尔好仇申茲寵典今遣使特進行尚書左僕射右相吏部尚書晉國公李林甫副使朝散大夫守中書舍人李暉持節禮冊往欽哉爾其虔修令德祇服厥訓循于法度宜爾室家可不慎歟

冊廣寧公主出降文

維天寶九載歲次庚寅四月己未朔二十六日甲申皇帝若曰於戲本於王化止乃人倫始於國風於婦道咨爾廣寧公主柔儀明婉淑性和惠端閑外肅敏晤內昭稟訓公宮法度彰於懿範受教師氏言容順於壺德頗聞圖史能習組紉方遵下嫁之儀式備親迎之禮三星迨告百兩于歸申以徽章弘茲寵命今遣使特進行左相兼兵部尚書宗玄館大學士集賢院弘文館大學士上柱國潁川郡開國公陳希烈副使正議大夫給事中權知刑部侍郎上柱國渭源縣開國男李麟持節禮冊往欽哉爾其祇膺典禮勤修內則宜爾家室叶于肅雍可不慎歟

冊晉寧公主出降文

維大 七年歲次壬子七月庚辰朔十六日乙未皇帝若曰於戲春秋之義下嫁之礼主於同姓送以上卿克明大倫叶用彛典咨尔普寧公主孝敬閑婉朗然夙成法度言容資於内訓詞礼是則今淑增華封魯之榮已開湯沐適齊之美更洽肅雍寵尔有行奉茲成命今遣使金紫光禄大夫門下侍郎同中書門下平章兼弘文館大學士知館事充太清宮使上柱国齊国公主緡持節礼册尔其奉公宮之教知邦族之姻載揚徽風永作來範敬承明誠可不慎歎

册嘉成公主出降文

維貞元二年歲次

六月

朔十二日皇帝若曰王者以義睦宗親以礼敦

風化義之深寔先於友爱礼之重莫大於婚姻故春秋書築館之義易象著歸妹之告祇考明義率由舊章咨尔嘉誠長公主特稟生知重承先訓行必中則意不違仁柔謙恭和孝友純懿嘉乃全德時惟成人疏邑啓封命公為主徽章備物礼寔宜之今遣使金紫光禄大夫檢校司徒同中書門下平章事汧国公勉持節册命嗚呼戒哉下嫁諸侯諒惟古制肅雍之德見美詩人和可以克家敬可以行已奉若茲道永孚于休懋昭令問无替朕命光膺盛礼可不慎歎

加寔封

太平公主加寔封制

焉臺睦親之序誠有節而難踰褒善之方諒无和而可洽太平公主延祥紫極稟慶彤闈月至漸宮下金娥而毓照星分漢渚迴宝婺以凝姿踐孝依仁更緝柔閑之範聞詩踐礼還裝婉順之容毓暗發於天機聰明叶於神授所以持鍾无

敏悟

愛偏荷聖慈動輒承恩言必中旨故秦臺下鳳礼越於常儀魯館來龍榮該於美選自蜃軒即路蛩岩闕寢途遙千里時亢九炎攀從莫由荒号孰寄公主親承委属代申悲苦涉履山川念徒行而弥切莫奉朝夕哀獨薦而逾勤官務畢修壺容胥備中外咸允情礼兼極朕以某雖有殊効盖是恒途而几典樞機固口奏請豈可以私親之嫌累失公道之平分宜增湯沐之荣以表肅雍之譽可加寔封。

長寧安樂公主加寔封制

門下長寧公主安樂公主等金波毓彩宝婺凝輝蘊詩礼於心臺暢柔明於性府肅雍成德婉淑居懷非弄玉之能方豈修瑶之是美持荷掌中之爱尤鍾膝下之慈宜錫寵荣再崇湯沐可加更食寔一千户通前滿二千户

宣城公主加寔封制

私 吝

朝

門下敦教睦親事光彞典分形共氣理冠恒倫宣城公主慶熙霄極榮開如館
柔應圖婉順為範義歸從子榮匪求即國難初平朝獎思及宜加并賦式崇優
寵可加寔封五百戶

鎮國太平公主加寔封制

門下功定宗稷者可以高邁守夷事超繼簡者故能永昭徽烈鎮國太平公主
若華分景穠李疏芳以同義之親鍾先朝之愛忠孝行己仁明絕倫才无不周
識无不綜頃夷國難爰戴朕躬大義動天懇誠貫日氛祲已廓每听鳴謙之詞
并田未復復聞辭貴之請朕方至公被物豈以小節從人宜增土宇更傳帶礪
可加寔封一千戶

常芬公主食寔封制

常芬公主公宮成訓歸妹有儀錫号疏封雖以洽於前典推恩食邑猶未崇於
後命宜書沐賦之榮式昭榮館之義可寔食封五百戶用今年九月丁巳出降張

去盈所司詳備礼物式遵故事開元十九年

和蕃止蕃和蕃公主入朝勅

公主出降蕃王本擬安養部落請入朝謁深慮勞煩朕之割恩抑而求許思加

殊惠以慰遠心奚有五部落宜賜物三万段其中取二万段先給征行遊奕及
百姓餘壹万段與燕郡公松漠王衙官刺史縣令其物雜以絹布務令均平給

訖奏聞開元十二年四月

金城公主降吐蕃制

聖人布化用百姓為心王者乘仁以八荒无外故能光宅遐迩財成物品由是隆
周理曆怖柔遠之圖強漢乘時建和親之義斯蓋御寓長策經邦茂範朕受命
上灵克纂洪業惣三才而統極混六合以為家聲教所覃建木棘林之外提封
爰巨弱水流沙之表悠然聖道高詠薰風載戢于戈大張礼樂庶幾前烈克致
和年睽彼吐蕃僻在西服皇運之始早申朝貢太宗文武聖皇帝德侔覆載情
深億兆思偃兵甲遂通姻好數十年間一方清静自文成公主化往其國固多
变革我之边隅亟興師旅彼之蕃落頗聞彫弊頃者贊普及祖母可敦首長等
屢披誠款積有歲時思托舊親請崇姻好金城公主朕之小女長自宮闈言適
遠方豈不鍾念但朕為人父母志恤黎元始允誠祈更敦和好則边方上寧晏
兵役休息遂割深慈為国大計宜築外館聿膺嘉礼降彼吐蕃贊普即以今月
二十七日朕親自送于郊外景龍四年正月

封永樂公主制

漢圖既參蕃國是親公主嫁烏孫之王良家聘甄裘之長欽若前志抑有舊章
餘姚縣主長女慕容氏柔懿為德幽閑在性蘭儀載美蕙問增芬公宮之教夙
成師氏之謀可則今林胡請屬析津無外雖芑之仁已私於上略而由內之德
亦質於元女宜光茲寵命睦此蕃服俾遵下嫁之禮以叶大邦之好可封為燕郡
公主出降與松漠郡王李鬱開元十年

封東光公主制

炎漢盛禮蕃國是和烏孫降公主之親單于聘家良之子永惟前史率由舊
章故成安公主女韋氏六行克昭四德聿脩漸公宮之訓承內嫁之則屬林胡
邦命抑塞無虞柔遠之恩已歸於上畧采楚之慶載睦於和親宜正湯沐之封
式宗下嫁之禮可封為東光公主出降饒樂郡王魯蘇

封和義公主制

呼韓來享位列侯王烏孫入和義通姻好懷柔之道古今攸同寧遠國奉化
王驃騎大將軍阿悉爛達于志慕朝化誓為邊扞漸声教而有孚勤執貢而
无闕誠深內附禮異殊隣爰錫嘉偶特申殊渥四從弟前河南府告成縣令
參第四女質稟幽閑性惟純懿承姆師之訓導寔宗黨之光儀固可以保合
戎庭克諧邦選宜膺遠好以寵名蕃可封和義公主降寧遠國奉化王

封寧國公主制

朕聞古之聖王臨御天下功懋受賞道無隔於華夷義存有孚信必全於
終始故能德被寰宇化延殊俗是以周稱柔遠克著康濟之圖漢結和親式
弘長久之策由來尚矣朕祇若元命永惟稽古內申九命勉膺嗣夏之期外接
百蠻庶廣懷荒之澤頃自允渠作亂宗社玷危迴紇持表忠誠載懷奉國所以
兵踰絕漠力徇中原亟除青犢之妖寔賴烏孫之助而先有情款固求姻好今
兩京底定百度惟貞奉皇興而載寧續鴻業攸重斯言可復厥德难忘爰申
降主之禮用答勤王之志且骨肉之愛人情所鍾離遠之懷天屬尤切况將適
異域寧忘軫念但上緣社稷下為黎元遂抑深慈為國大計是用築茲外館割
自中闈將成万里之婚奠定四方之業以其誠信所立家國攸寧義以制名式
宗寵號宜以幼女封為寧國公主應緣禮會所司准式其降蕃日仍令堂弟
銀青光祿大夫殿中監中郡王瑀充冊命英武威遠毗伽可汗使以堂姪正議
大夫行右司郎中上柱國上邽縣公賜紫金魚袋選為副特差重臣開府儀

同三司行尚書左僕射英國公裴冕送至界首凡百臣庶宜知朕懷
元元
和蕃冊文

冊金城公主文

沈佺期

維景雲二年歲次辛亥二十日癸亥皇帝若曰咨尔金城公主幼而敏惠性寔
柔明徽藝日新令容天假先帝承皇祖之寶訓繼文成之舊姻割天性之慈
徇安人之業何蒼生不幸紫宸猷代朕勉及丕基兢守大烈永懷同氣注心道体
靖言河湟无忘監寐湯沐之教信命之勤追平昔而載深於骨肉而加等於戲礼
之降殺大繫乎情情之厚薄抑亦在我今猶子屬愛何異所生然叔父繼恩更
思敦睦是命用朝散大夫試司賓少卿護軍曹國公甘昭充使試詹事丞攝太
子贊善大夫沈皓仙為副持節往冊尔為朕長女依舊封金城公主率由嬪則
无替余儀載光本朝俾又蕃服豈可不慎歟

冊交河公主文

維開元二十年歲次庚辰四月丁巳朔十五日辛未皇帝若曰於戲大邦為好蕃
服惟寧豈獨元夫亦資良偶咨尔十姓可汗開府儀同三司濛池都護阿史那
所妻凉国夫人李氏柔懿成性幽閑表儀能修閑睢之德克奉蘋蘩之礼自

祇率輔佐肅恭言容載茂彤箴允諧内則足以崇寵蕃扞怀柔遠人將適遐荒
更榮封邑是用冊尔為交河公主尔其叶化蕃 竭誠婦道膺茲寵命可不慎歟

冊和迴紇公主文

維大曆二年歲次丁未五月己酉朔十三日辛酉皇帝若曰帝乙婦妹表於内
象魯侯築館列在春秋咨尔第某妹雲漢之姿睽華宸極河洲之德著美公宮
整玉筭於錦車題銀榜於毳幙善修嬪則載叶蕃情寔資輔佐之功廣我怀柔
之道烏孫下嫁已申飾配之儀紅綬增榮爰寵疏封之命是用冊曰某公主敬
承徽礼可不慎歟

冊崇徽公主文

常袞

維大曆四年歲次己酉五月戊辰朔二十四日辛卯皇帝若曰於戲魯邦外館有
小君之儀漢室和親從闕支之號命公而王疏邑以封煥乎徽章抑有前範咨
尔第十女稟秀雲漢增華女宗卓尔洵淑迥然昭異肅雍之道能中其和綽麗
之功自臻於妙不資姆訓動會礼經甫及初笄之年春求和鳳之對用開湯賦
方戒油韉我有親憐稱惟貴分救災患助平寇虞固可申以婚姻厚其寵渥况
有誠請爰從飾配是用封曰崇徽公主出降迴紇可汗冊曰可敦割爰公宮嬪

于絕域尔其式是壺則以成婦順服茲嘉命可不慎欤

謹黜

郃国大長公主別館安置勅

妖妄莫甚於巫蠱罪惡莫逾於姦乱迹涉於此刑其捨諸郃国大長公主深質天潢不慎其德行違礼法悉匿回邪信妖孽之虛言求獸勝之非福憫其將老之年從我議親之典置於別館勿為无恩其子蕭位不思諫止手疏祝詞其弟儒偲及異父兄駙馬都尉裴液相与知情陷於不義蜀州別駕蕭鼎南州豐陽令韋暉前彭州司馬李万等謬居清貫輕紊常倫在其門庭多行穢德忝列衣冠之緒豈宜履寫之交

有關於最足是

宜令京兆府決重杖四十配流賀州裴

液錦州安置蕭佩儒偲等並配房州安置其蕭位等並馳驛發遣元年

追封

追封華陽公主制

周漢之儀湯沐之制車服次於王后容衛榮於戚藩其有淑德竟於茂年成礼未主於同姓則加其愍榮奉於前典是以東漢追平原之封西晉崇哀獻之命故第五公主天縱柔和性成聰敏爰自辨識秀於人倫仁孝切於哀誠怡順過

於師訓先意承旨不待名言省醴適饌每加豐潔送迎匪憚於寒暑温清无待於傍人甘去繁奢梁聞礼教將有詞情必候温顏或遇勞輒形焦色周旋六行諷咏七篇霽威怒以拯危迎欢愉而進善常求惠下聚請求賢而警亂之辰清羸多疾沉綿衽席弥歷紀年針艾嬰身藥餌在口異其殊常之命寔有兼愛之慈興之名都假以榮号築館之盛乃從受邑之期優典未彰幼齡已謝追怀既往痛悼滋深方展礼於舊章稍申哀於備物叶予素志厚尔飾終可追封華

陽公主 大曆九年四月

追封玉虛公主制

勅因親之愛存則均慈緣情之礼歿而逾厚故第七公主敏識冲和韶姿婉秀純孝之性自合於天經柔順之心夙成於壺則動唯中礼言必知微承夙烈之玄風悟道家之真籙方開魯館甫往有行未啓漢封遽幽長往念其早夭倍軫哀情用追湯沐之榮載賜灵仙之號可追封玉虛公主

追封齊国大長公主制

勅荆南節度觀察處置守使銀青光祿大夫檢校兵部尚書兼江陵尹御史大夫上柱国沂水縣開国子食邑五百户王潜母贈晋国大長公主於朕祖宗之

姊妹也始以肅雍之德下教於公侯淑問怡声礼无違者其愛子有過嚴君
不曰恩澤以求即每教忠貞而事主使勤富貴戒歎廉能鬱為勲臣寔資
聖善徽猷盡在典礼宜加 狹平陽之封式廣營丘之地克宣朕命用慰朕心可贈
齊国大長公主

贈同昌公主衛国公主制

沈畋

門下死生有命雖著於格言天橫唯明豈曰於定教每念肅雍之德載纏悲愴
之怀疏土易名用中彛典故同昌公主生知孝敬天錫聰明苑李凝華芝蘭緼
秀免奉宮公之訓寧煩女史之箴洎結慶秦樓傳芳魯館蘋繁潔淨環珮鏗
鏘不矜帝子之尊尽执家人之礼謂乎積善享彼修齡驚電逝以霜摧致珠沉
而玉折粉田蕪沒金縢淒涼荒泌水之林園寢年陽之箫鼓哀情靡極緼礼宜加
啓衛国之山河擇周公之謚号式崇徽教用慰營魂可贈衛国公主兼賜謚曰文
懿仍令所司擇日册命主者施行

謚議

安興公主謚議文

沈佺期

議曰臣聞表終受名案存考行王姬内範貽教潜流徽問積中知之在下公主
降灵宸極昇慶高謀貞惠日嚴柔明天縱英姿灼乎鬢亂夙智形乎襁褓孝為
德本資色以養親礼即敬輿履謙而軌物生我天族長自華宮珠玉滿堂不忘
於澣濯歌鍾成列載玩於圖史恭開懿風庶覩嬪則未延百兩奄邁重泉皇帝
正位瑤圖追榮金榜穠華大秀軫餘悼於生前彤管凝芬追令名於歿後謹
案周書謚法容儀恭美曰昭慈仁短折曰懷請謚曰昭怀公主謹議

唐大詔令集卷第四十三

郡縣主

縣主出嫁稱適詔

新都郡主適楊泚制

安樂郡主適楊守文制

新都郡主適盧咸制

義安郡主適裴奕制

封安定郡主制

封新平郡主制

東光縣主事迹編入國史詔

封壽昌縣主制

壽昌縣主適崔珣制

封仙源縣主制

封永年縣主制

封華亭縣主制

封安吉縣主制

加襄樂縣主守寔封制

封恩王等女為縣主制

縣主出嫁稱適詔

古稱釐降唯屬王姬比聞縣主適人皆云出降娶王女者亦云尚主濫假名器甚乖禮經其縣主出嫁宜稱適取王女者稱娶仍改令文

九

新都郡主適楊泚制

寫臺皇太子長女新都郡主資靈玉裕比價瑤臺發艷天庭仰儂星辰之像承徽儲禁內稟河洲之德惠心明婉柔範端莊始踰待年之期甫及有行之歲通事舍人楊泚門擅槐昂地連姻戚箕裘克降才質兼茂可以膺合姓之典奉御輪之躅標梅興詠方邀六禮之歡在楚言歸宜迨三星之夕郡主可出適楊泚

安樂郡主適楊守文制

寫臺皇太子第八女安樂郡主承規銀榜毓彩銅樓室婺連暉瓊娥比

艷貞明發於閭訓窈窕齊於國風固已儀範不懋柔閑有裕蘋蘩入薦既成四教之德桃李方春宜用三周之禮可出適符節即弘農楊承烈男守文

新都郡主適盧咸制

寫臺皇太子第三女新都郡主相王長女壽昌縣主第二女安興縣主等並毓靈天漢稟訓皇闈惠性早成 克茂粉澤四教針縷七篇筭年在時令月有典宜穆三從之禮式光百兩之廷新都郡主可出適左衛翊廬咸壽昌縣主可出適太子右奉裕楊尚一安興縣主可出適梁王府恭軍薛淋所司准式

義安郡主適裴奕制

寫臺皇太子第二女義安郡主重月降輝發春揚彩四德淳茂六行恭修歲在結纓時方納幣均州司倉裴奕門胄清顯風範昭明既諧委雁之祥宜緝盤螭之禮郡主可出適奕仍以今月十四日成禮所司准式

封安定郡主制

門下故惠宣太子第五女肅邕成性柔婉為容稟訓女師克明嫻則爰占近日用叶初笄申錫美名受封良邑可封安定郡主主者施行

封新平郡主制

孫述

門下惠宣太子第三十二女柔姿婉訓淑德閑和早習組紉備詳圖史移天有禮撰日于歸宜增列郡之封允叶睦親之計可封新平郡主主者施行

東光縣主事跡編入國史詔

故紀王女東光縣主志性純孝雅操貞烈感興運之方啓痛亡靈之不追休戚是同悲喜交集發言鯁塞因致殂謝聞之傷惋震于予懷忠孝之情深可嘉尚宜命史官編入國史

神龍元年三月

封壽昌縣主制

鳶臺相王旦長女第三女第四女等並毓靈河漢稟訓天人蕙問清淑蘭儀婉順徽章所披抑有理之封式開湯沐之邑長女可封壽昌縣主第三女可封淮陽縣主第四女可封壽光縣主

壽昌縣主適崔琬制

鳶臺相王女長壽昌縣主第五女仙源縣主並稟靈天漢漸訓王門質耀桃李性芬蘭蕙帝孫將降甫及笄年國人所承允歸時望清廟齋即崔琬太子左奉裕薛伯陽並地襲衣冠躬履名教風猷美茂才藝紛論飛鳳之占既合其吉乘龍之背直膺雙奉壽昌縣主可出適琬仙源縣主可出適伯陽仍令所司准式制

封仙源縣主制

鳶臺相王第五女資靈桂魄稟訓蘭宮六行昭宣四德淳備天桃穠李既挺淑令之姿紅綬青桂宜開湯沐之邑可封仙源縣主

封永年縣主制

薛

鳶臺某主某第幾女疏芳桂苑發艷椒庭繡祿初昇已現於姚淑瑤筐載弄更表於柔閑韶容將定婺分暉惠質與瓊娥比秀承規蹈禮既漸訓於河洲延賞推恩宜加榮於湯沐可封永年縣主

封華亭縣主制

黃門司公兼魏州刺史邠王守禮第二女王門誕秀師氏尚柔婉嫻凝

芳閑和順則佇儀膏族俾錫脂田可封華亭縣主開元二年九月七日

封安吉縣主制

蘇頲

黃門宋王長女流芳桂如稟訓梧宮体自閑和成其婉婉玉筭始茂金燧方嚴爰罷錫於脂粉俾開榮於湯沐可封安吉縣主主者施行開元二年十二月二十八日

加襄樂縣主等寔封勅

孫逖

勅故惠宣太子女襄樂縣主等德稟賢王名高淑女資其婉順邁此偏孤念遠之德惟恩是属宜受賜於湯沐俾承榮於敦叙可各賜寔封一百戶

封恩王等女為縣主制

王者教化本於婚姻由親以里疎自内而形外故詩稱好合所以成子姓也礼有符年明其必及時也恭惟累聖之後子孫衆多教於公宮也知婦順而從人之义重擇配之才难以茲兢慎久曠嘉礼言念及此揚然具懷思弘厚恩用叶敦叙恩王等女六人並封縣主仍委中書門下興宗正卿及吏部尚書侍郎計會於諸親之内及常選之中精求人門副我誠意元和六年十二月

